

六
典
通
考

六典通考卷一百十七

湖西閻鎮珩輯

禮制考

凶禮通論

大宗伯以凶禮哀邦國之憂

哀謂救患分裁

小宗伯凡天地之大

裁類社稷宗廟則爲位

膳夫大喪則不舉大荒則不舉大

札則不舉天地有裁則不舉邦有大故則不舉

天裁日月晦食地裁崩動

也大故寇戎之事

司服大札大荒大裁素服

大裁水火爲害君臣素服縞冠若晉伯宗

哭梁山之崩

大司樂凡日月食四鎮五嶽崩大傀異裁諸侯薨

令去樂

傀猶怪也大怪異裁謂天地奇變若星辰奔實及震裂爲害者去樂藏之也

大札大凶大

裁大臣死凡國之大憂令弛縣

弛釋下之若今休兵鼓之爲

曾子問曰

諸侯旅見天子入門不得終禮廢者幾旅孔子曰四太廟火

日食后之喪雨霑服失容則廢諸侯相見揖讓入門不得終

禮廢者六天子崩太廟火日食后夫人之喪雨霑服失容則

廢天子嘗禘郊社五祀之祭簠簋既陳天子崩后之喪則廢

天子七祀言五者闕中言之當祭而日食大廟火接祭而已矣如牲至未

殺則廢按祭而已諸侯之祭社稷俎豆既陳聞天子崩后之

喪君薨夫人之喪則廢大夫之祭鼎俎既陳籩豆既設天子

崩后之喪君薨夫人之喪君之太廟火日食三年之喪齊衰

大功皆廢外喪自齊衰以下行也齊衰異其齊衰之祭也尸

入三飯不侑酺不酢而已矣大功酢而已矣小功總室中之

事而已矣室中之事謂賓長獻士之所以異者總不祭然則士不得所

祭于死者無服則祭

謂若舅舅之子從母昆弟

魯莊公二十有二年春

王正月肆大省肆者何跌也

跌過度

大省者何災省也

夏以卯日亡殷

以子日亡先王常以肆大省何以書譏何譏爾譏始忌省也此日吉事不忍舉肆大省何以書譏何譏爾譏始忌省也時魯有夫人之喪忌省日不哭省日本以忌吉事不以忌凶事故禮哭不辟子卯

邾婁定公之時

有弑其父者有司以告公瞿然失席曰是寡人之罪也曰寡人嘗學斷斯獄矣臣弑君凡在官者殺無赦子弑父凡在官

者殺無赦殺其人壞其室滂其宮而豬焉

豬都也南方謂都爲豬

蓋君

踰月而后舉爵

邾婁復之以矢蓋自戰于升陘始也

時師雖勝

死傷亦甚無衣可以招魂

魯婦人之髻而弔也自敗于臺鮑始也

時家家有喪髻

而相弔去襚而紼曰髻

梁山崩晉侯以傳召伯宗絳人曰國主山川

主謂所

故山崩川竭君爲之不舉降服乘縵

車無文

徹樂出次

舍于祝幣史辭以禮焉其如此而已遂以告而從之 子路

去魯謂顏回曰何以贈我曰吾聞之也去國則哭于墓而後

行反其國不哭展墓而入展省又謂子路曰何以處我處猶安也

子路曰吾聞之也過墓則式過祀則下 知悼子卒未葬平

公飲酒鼓鐘杜蕢曰子卯不樂知悼子在堂斯其爲子卯也

大矣雜記曰君子卿大夫比葬不食肉比卒哭不舉樂辰在子卯謂之疾日君徹宴

樂學人舍業爲疾故也 朝夕哭不辟子卯凶事不辟吉事闕焉 諸

侯子卯稷食菜羹忌日貶也

顧炎武曰甲子乙卯但言子卯古人省文也翼奉乃謂子

爲貪狼卯爲陰賊是以王者忌子卯禮經避之春秋諱焉

此術家之說非經義也

太宗伯以喪禮哀死亡

哀謂親者服焉疏者含襚

宰夫凡邦之弔事掌

其戒令與其幣器財用凡所共者

弔事弔諸侯諸臣幣所用也器所致明器也凡喪

始死弔而含襚葬而贈贈其間加恩厚則有賻焉

大府凡邦國之貢以待弔用

出給

禮之

職喪凡國有司以王命有事焉則詔贊主人

有事謂

五事贈之屬詔贊者以告主人佐其

凡公有司之所共職喪令之

受之有司

從王遣使奉命有贈之物各

雜記諸侯使人弔其

趣其事

從其官出職喪當催督也

次含襚贈臨皆同日而畢事者也其次如此也

言五者相弔次同時

者即位于門西東面其介在其東南北面西上西于門

不當

主孤西面階下相者受命曰孤某使某請事客曰寡

君使某如何不淑

不言擯者喪無接賓也淑善也

相者入告

出曰孤某須矣

君薨稱子某使人知適

弔者入主人升堂西

面弔者升自西階東面致命曰寡君聞君之喪寡君使某如

何不淑子拜稽顙弔者降反位

子孤子也降反位者出反門外位無出字脫

含者

執璧將命曰寡君使某含相者入告出曰孤某須矣

含玉爲璧制其

分寸大

含者入升堂致命子拜稽顙含者坐委于殯東南有

葦席既葬蒲席降出反位

言降出反位則是介也

宰夫朝服卽喪屨升

自西階西面坐取璧降自西階東面

朝服告鄰國之禮也東藏于內也

曰寡君使某禭相者入告出曰孤某須矣禭者執冕服左執

領右執要入升堂致命曰寡君使某禭子拜稽顙委衣于殯

東

亦于席上所委璧

禭者降受爵弁服于門內雷將命子拜

稽顙如初受皮弁服于中庭自西階受朝服自堂受元端將

命子拜稽顙皆如初禭者降出反位

授禭者以服者賈人

宰夫五人舉

以東降自西階其舉亦西面

亦西面者亦禘者委衣時

上介贈執圭將命

曰寡君使某贈相者入告反命曰孤某須矣陳乘黃大路于

中庭北轡執圭將命客使自下由路西子拜稽顙坐委于殯

東南隅宰舉以東

轡轅也自率也下謂馬也馬在路之下覲禮曰路下四亞之客給使者入設乘黃于

大路之西客入則致命矣

凡將命鄉殯將命子拜稽顙西面而坐委之宰

舉璧與圭宰夫舉從升自西階西面坐取之降自西階

鄉殯將命

則將命時立于殯之南面宰夫宰之位也此言宰舉璧與圭則上宰夫朝服衍夫字

贈者出反位于門

外上客臨曰寡君有宗廟之事不得承事使一介老某相執

紼言欲入視喪所不足而給助之諫也其實爲哭耳

相者反命曰孤某須矣臨者入

門右介者皆從之立于其左東上宗人納賓升受命于君降

曰孤敢辭吾子之辱請吾子之復位客對曰寡君命某母敢

視賓客敢辭宗人反命曰孤敢固辭吾子之辱請吾子之復
位客對曰寡君使某母敢視賓客敢固辭宗人反命曰孤敢
固辭吾子之辱請吾子之復位客對曰寡君使臣某母敢視
賓客是以敢固辭固辭不獲命敢不敬從客立于門西介立
于門左東上孤降自阼階拜之升哭與客拾踊三

拜客謝客其厚意

出送于門外拜稽顙

不迎而送喪無接賓之禮

文王世子五廟之孫祖

廟未毀雖爲庶人死必赴練祥則告族之相爲也宜弔不弔

宜免不免有司罰之

弔謂六世以往免謂五世

至于賵賵承含皆有正焉

承讀爲贈正正禮也

敬弔臨賵賵睦友之道也

諸侯相禭以後路與

冕服先路與褻衣不以禭

後路貳車行在後也

臣致禭于君則曰致

廢衣于賈人也

言廢衣不必其以斂也賈人知物善惡

敵者曰禭

君無禭大夫

士畢主人之祭服親戚之衣受之不以卽陳 君使人禭徹

帷主人如初禭者左執領右執要入升致命 親者禭不將

命以卽陳 庶兄弟禭使人以將命于室主人拜于位委衣

于尸東牀上 朋友禭親以進 親者兄弟不以禭進

者以卽陳而已 有禭者則將命擯者出請入告主人待于位朋友

親禭如初儀禭者以褶則必有裳執衣如初升降自西階以

東 臣爲君喪納貨貝于君則曰納甸于有司

馬入廟門

以其主于死者 賻馬與其幣大白兵車不入廟門

以其主于生人 也賻者旣致命坐委之擯者舉之主人無親受也

喪者非尸 若賻入告主人出門左西面賓東面將命主人

拜賓坐委之 知生者賻 弔喪弗能賻不問其所費 公

贈元纁束馬兩犢者出請入告主人釋杖迎于廟門外不哭

賓贈者將命犢者出請入告出告須馬入設賓奉幣兄

弟贈奠可也所知則贈而不奠書贈于方若九若七若五

主人之史請讀贈若奠入告出以賓入將命如初士受

羊如受馬贈者將命犢者出請納賓如初賓奠幣如初若

就歸則坐奠于陳凡將禮必請而後拜送至于邦門公使

宰夫贈元纁束主人去杖不哭由左聽命賓由右致命知

死者贈凡贈幣無常魯文公四年夫人風氏薨五年春王

正月王使榮叔歸含且贈禮也成風莊公之妾天含者何口

實也天子以珠諸侯以玉大夫以其言歸含且贈何兼之兼

之非禮也含者臣子職以至尊行含一事也贈一事也兼

至卑事失其尊之義也

歸之非正也

禮含贈襚各異人

其曰且志兼也其不言來不周事之

用也

四年夫人風氏薨九年秦人來歸成風之襚最晚矣秦

不責

贈以早

乘馬所以助葬成

而含以晚

已殯故

諸侯伐

秦曹桓公卒于會諸侯請含使之襲

非也襲賤者之事

襄公朝于

荆康王卒荆人曰必請襲

欲使襄公衣之

魯人曰非禮也荆人強之

巫先拂柩荆人悔之

巫祝桃茢君臨臣喪之禮

邾婁考公之喪徐君使

容居來弔含

弔且含

曰寡君使容居坐含進侯王其使容居以

含

欲親含非也含不使賤者君行則親含大夫歸含耳

有司曰諸侯之來辱敝邑者易

則易于則于易于雜者未之有也

徐君言此天子使大夫蒞諸侯有司拒之

王

有姻喪晉使趙成如周弔且致襚

秦人來歸僖公成風之

襚禮也

秦欲通敬于魯故追贈僖公并及成風

諸侯相弔賀也雖不當事苟有

六典通考卷百十七

六

禮焉書也以無忘舊好

送死不及尸其言僖公成風何兼之故曰不當事

兼之非禮也

當各使一使所以別尊卑

衛有太史曰柳莊寢疾獻公曰

若疾革雖當祭必告公再拜稽首請于尸曰有臣柳莊也者

非寡人之臣社稷之臣也聞之死請往不釋服而往遂以禭

之

服君祭服以禭臣親賢也凡禭以斂

齊侯伐晉夷儀傲無存先登求自門

出死于囂下得其尸公三禭之

禭衣也比殯三加禭深禮厚之

與之犀軒與

直蓋

犀軒卿車直蓋高蓋

而先歸之坐引者以師哭之

君方爲位而哭故挽喪者不敢

立

親推之三

武氏子來求賻喪事無求求賻非禮也蓋通

于下

歸死者曰賻歸生者曰賻曰歸之者正也求之者非

正也周雖不求魯不可以不歸魯雖不歸周不可以求之求

之爲言得不得未可知之辭也交譏之伯高之喪孔氏之

使者未至

謂賻贈者

冉子攝束帛乘馬以將之孔子曰異哉徒使

我不誠于伯高

禮所以副忠信也忠信而無禮何傳乎

孔子之衛遇舊館人

之喪

前日君所使舍已

入而哭之哀出使子貢說驂而賻之驂馬子

貢曰于門人之喪未有所說驂說驂于舊館無乃已重乎夫

子曰子鄉者入而哭之遇于一哀而出涕

我入哭見主人爲我盡一哀是以厚

恩待我我爲出涕恩重宜有施惠

子惡夫涕之無從也小子行之

隱公元

年秋七月天王使宰咺來歸惠公仲子之賵

婦人無諡贈死以字配姓

不及尸弔生不及哀

諸侯以上既葬則綴麻除無哭位

豫凶事非禮也

來

仲子者桓之母也喪事有賵賵者蓋以馬以乘馬束帛

以馬者謂士不備四也乘馬者謂大夫以上備四也

車馬曰賵貨財曰賻衣被曰襚

禮也賻猶遺也遺是助死之禮

賵者何也乘馬曰賵衣衾

曰襚貝玉曰含錢財曰賻

宋景曹卒

宋元公夫人

季康子使冉

有弔且送葬曰以肥之得備彌甥也

彌遠也康子父之舅氏故稱彌甥

有不

腆先人之產馬使求薦諸夫人之宰其可以稱旌繁乎

稱舉也繁

馬飾繁纓也

唐制賓有贈者既祖奠賓立于大門外西廂東面

從者以篚奉元纁立于西南以馬陳于賓東南北首西上相者入受命出西面曰敢請事賓曰某敢贈相者入告出曰孤某須矣執篚者奠取幣以授賓牽馬者先入陳于轎車南北首西上賓入由馬西當轎車南北面立內外止哭賓曰某謚封若某位將歸幽宅敢致贈乃哭內外皆哭主人拜稽顙賓進轎東西而奠幣于車上西出主人拜稽顙送之

宋制凡

近臣及帶職事官薨有喪訃及遷葬皆賜賻絹自五百匹至

五十匹錢自五十萬至五萬又賜羊酒有差其優者給米麥

香燭

自中書樞密而下凡執事禁近者亡歿及父母近親喪

常數其特恩加賜熙甯七年定新式兩府使相宣徽使并前

任宰臣聞疾或澆奠已賜不願敕葬者並支贖贈餘或澆奠

支賜或敕葬者更不支贖贈前兩府如澆奠只支贖贈加絹

一百布一百羊酒米麪各十在外米支白粳米麪每石支小

麥五斗酒支細色諸文武臣致仕身亡者依見任官三分給

二

右贈喪

合祔贖
賜奠贈

白虎通贈祔何謂也贈之爲言稱也玩好

曰贈祔之爲言遺也衣被曰祔知死者則贈祔所以助生

送死追恩重終副至意也贈贈者何謂也贈者助也所以

相佐給不足也故弔辭曰知生則賻貨財曰賻車馬曰賻

宰夫三公六卿之喪與職喪帥官有司而治之凡諸大夫之

喪使其旅帥有司而治之

旅冢宰下士

曾子問曰大功之喪可

以與于饋奠之事乎

饋奠在殯時也

孔子曰豈大功耳自斬衰以下

皆可禮也曾子曰不以輕服而重相爲乎孔子曰非此之謂

也天子諸侯之喪斬衰者奠

爲君服者皆斬衰唯主人不奠

大夫齊衰者奠

服斬衰者不奠避正君也齊衰者其兄弟

士則朋友奠不足則取于大功以下者

不足則反之

也服齊衰者不奠避大夫也言不足者謂殷奠時

曾子問曰小功可以與

于蔡乎

謂既虞卒哭時

孔子曰何必小功耳自斬衰以下與祭禮也

曾子曰不以輕喪而重祭乎孔子曰天子諸侯之喪祭也不

斬衰者不與祭大夫齊衰者與祭士祭不足則取諸兄弟大

功以下者曾子問曰相識有喪服可以與于祭乎孔子曰總

不祭又何助于人曾子問曰廢喪服可以與于饋奠之事乎

謂新除喪服孔子曰說衰與奠非禮也以儻相可也凡侍祭喪

者告賓祭薦而不食薦脯醢也吉祭告賓祭薦賓適有喪

者曰比適之也曰某願童子曰聽事曰某願聽事適公卿之

喪則曰聽役于司徒喪憂戚無賓主之童子無總服聽事

不麻無事則立主人之北南面雖不麻往給事也孔子之

故人曰原壤其母死夫子助之沐椁孔子之喪公西赤爲

志焉子張之喪公明儀爲志焉國昭子之母死問于子張

曰葬及墓男子婦人安位國昭子子張曰司徒敬子之喪夫

子相男子西鄉婦人東鄉曰噫母曰我喪也斯沾沾讀作規

猶視國昭

子自謂齊之大夫爾專之賓爲賓焉主爲主焉時子婦人從家有事人盡視之

男子西鄉非也孔子在衛司徒敬子卒夫子弔焉主人不哀

夫子哭不盡聲而退蘧伯玉請曰衛鄙俗不習喪禮煩吾子

辱相焉孔子許之

右執事

助奠助祭相禮治事

有若之喪悼公弔焉

魯哀公

子游擯由左

喪禮廢亡時人以爲此儀當如詔辭而皆由右相是善子游正之

喪祝及葬御匱出宮乃代

喪祝二人相與更也

小喪亦如之

曲禮送

喪不由徑送葬不避塗潦適墓不登壙不歌

壙冢也墓塋域也

必執紼

紼車索引

臨喪不笑望柩不歌

弔于葬者必執引若從

柩及壙皆執紼

車曰引棺曰紼從柩贏者

弔非從主人也四十者必執紼

成人二十以上至四十丁壯時

鄉人五十者從反哭四十者待盈坎

非鄉人則長少

皆反優
遠也

相趨也出宮而退相揖也哀次而退相問也既封

而退相見也反哭而退朋友虞附而退

相趨謂相聞姓名來會喪事也相揖當會

于他也相問當相惠遺也相見當執摯相見也附當爲附

君若載而後弔之則主人東

面而拜門右北面而踊出待反而後奠

君于大夫將葬弔

于宮及出命引之三步則止如是者三君退朝亦如之哀次

亦如之

宮殯宮出謂極已在路退去也三命引之凡移九步君弔不必于宮朝喪朝廟也次他日賓客所受大門

外舍也

天子七月而葬同軌畢至

言同軌以別四夷之國

諸侯五月同

盟至大夫三月同位至士踰月外姻至

魯文公九年二月

叔孫得臣如京師辛丑葬襄王王者不書葬此何以書不及

時書過時書我有往者則書

謂使大夫往也

天子志崩不志葬舉天

下而葬一人其道不疑也志葬危不得葬也

襄公三十有

一年滕子來會葬 葬晉頃公鄭游吉弔且送葬魏獻子使

士景伯詰之曰悼公之喪子西弔子矯送葬今吾子無貳何

故對曰先王之制諸侯之喪士弔大夫送葬嘉好聘享三軍

之事于是乎使卿晉之喪事敝邑之閒先君有所助執紼矣

禮送葬必執紼若其不閒雖士大夫有所不獲數矣王不得如先靈王

之喪我先君簡公在楚我先大夫印段實往敝邑之少卿也

王吏不討恤所無也今大夫曰女盍從舊舊有豐有省不知

所從從其豐則寡君幼弱是以不共從其省則吉在此矣唯

大夫圖之晉人不能詰 文襄之霸也其務不煩諸侯君薨

大夫弔卿共葬事夫人士弔大夫送葬 鄭簡公卒將爲葬

除除葬道司墓之室有當道者簡公別營葬地不在鄭先公毀舊墓故道有臨時迂直也

之則朝而崩弗毀則日中而崩子太叔請毀之曰無若諸侯之賓何

不欲久留賓

子產曰諸侯之賓能來會吾喪豈憚日中無

損于賓而民不害何故不爲遂弗毀日中而葬叔孫豹卒

公使杜洩葬叔孫叔仲子謂季孫曰帶受命于子叔孫曰葬

鮮者自西門

不以壽終爲鮮西門非魯朝正門

季孫命杜洩

命使從西門

杜洩曰

卿喪自朝魯禮也吾子爲國政未改禮而又遷之

遷易也

羣臣

懼死不敢自也既葬而行

齊姜薨齊侯使諸姜宗婦來送

葬

婦人越疆送葬非禮也

葬楚康王公及陳侯鄭伯許男送葬至于

西門之外諸侯之大夫皆至于墓

吳伐齊將戰公孫夏命

其徒歌虞殯

虞殯送葬歌曲

唐制遣百僚會王公以下喪守宮先

于主人第大門外設會弔者便次其日司儀令先于主人第

前寢庭北面重行設百官位以西爲上百官應會弔並赴集
主人第門外便次各服素服司儀以次引入就班位立定司
儀贊可哭百官在位者皆哭十五舉聲司儀贊可止百官在
位者皆止司儀引百官行首一人升詣主人前席位展慰非致敬者則立慰訖引降出又司儀引諸在位者以次立應致敬者再拜引退會葬禮同

右會喪送葬 荀子天子之喪動四海屬諸侯諸侯之喪

動通國屬大夫大夫之喪動一國屬脩士脩士之喪動一

鄉屬朋友屬謂付託之使主喪也庶人之喪合族黨動州里刑餘罪

人之喪不得合族黨獨屬妻子棺槨三寸衣衾三領不得

飾棺不得畫行以昏殮凡緣而往埋之墨子曰桐棺三寸葛以爲緘然則厚

三寸刑人之棺也喪大記云陳衣于序東三十稱今云三
儀亦貶損之甚也以昏殮如掩道路之死人凡常也緣因
也言其妻子如常日所服而埋之不更經杖也反無哭泣之節無衰麻之服無親
疎月數之等夫是之謂至辱

太僕掌三公孤卿之弔勞

王使往

小臣掌士大夫之弔勞

御僕掌羣吏之逆及庶民之復與其弔勞世婦掌弔臨于

卿大夫之喪君使人弔徹帷主人迎于寢門外見賓不哭

賓入竟而死遂也主人爲之具而殯君弔介爲主人君遇柩

于路必使人弔之上客臨客立于門西介立于門左東上

孤降之阼階拜之

諸侯使人弔含襚則臨同日畢事其序則弔在前臨在後

周人有喪

魯人有喪周人弔魯人不弔周人曰吾臣也使人可也魯人

曰吾君也親之者也使大夫則不可也故周人弔魯人不弔

以其下成康爲未久也 齊孝公卒有齊怨不廢喪紀禮也

弔贈之數不有廢

滕成公之喪使子叔敬叔弔進書事公子服惠

伯爲介及郊爲懿伯之忌不入

忌怨也敬叔有怨于懿伯

惠伯曰政也不

可以叔父之私不將公事遂入

哀公使人弔賁尙遇諸道

辟于路畫宮而受弔焉

畫宮畫地爲宮象

曾子曰賁尙不如杞梁之

妻之知禮也齊莊公襲莒于奪杞梁死焉

傳曰杞梁華還載甲夜入且于之隧

隧奪聲相近或爲兒

其妻迎其柩于路而哭之哀莊公使人弔之對曰

君之臣不免于罪則將肆諸市朝而妻妾執君之臣免于罪

則有先人之蔽廬在君無所辱命

傳曰齊侯弔諸其室

唐敗使弔諸

王姬主喪守宮先于主人第大門外之右設使者次南向其

日使者至掌次者引之次內外縗服司儀引主人以下俱立

哭于東階下婦人立哭于殯所如常儀使者素服出次司儀

引立于大門外西東面持節者立于使者之北少退史二人

對舉弔書案立于使者之南差退俱東面

城外者不持節

司儀入告

主人去杖免經司儀引主人出門止哭迎于大門外見賓先

入立于門右北面司儀引使者入持節者先導持案者次之

內外止哭使者入門而左立于階間南面節在使者之東少

南西向持案者立于使者之西南東面司儀引主人進當使

者前北面持節者脫節衣史以案進詣使者前使者取弔書

持案者退復位使者稱有制弔主人哭拜稽顙內外皆哭司

儀引主人進受弔書退立于東階下西面哭持節者加節衣

司儀引使者持節者先導持案者次之出復門外位主人以

弔書授左右司儀引主人出內門止哭拜送于大門外使者

還主人杖哭而入取弔書于階下升奠于厝東

使人若須私弔則通名引

入弔如常禮訖引出若朝使致則賓至主人迎受如弔書儀

唯賻物掌事者受以東東藏之也其賻物簿如受弔書儀

使弔外祖父母喪后父母宗戚貴臣蕃國主等喪禮並同敕使致奠諸王如主喪守宮設

次同上儀司儀引主人以下俱就東階下位婦入就堂上位

皆立哭使者公服出次謁者降公服引立于門西東面執事

者陳牢饌于使者東南當門北向西上司儀入告主人同上

儀謁者引使者入內外止哭使者升自東階立于柩東少北

南面執事者以牢饌入升設于柩東西面南向司儀引主人

升自西階立于階上當使者北面執事者酌酒西面奠于席

退復位使者曰某封若某位將歸幽宅制使某奠主人降詣

階間北面哭拜稽顙內外俱哭謁者引使者及從者降出復

門外位

初主人拜稽首訖司儀引主人退哭于東階下使者

主人杖哭而入敕使致奠外祖父母喪

送于大門外使者還

后父母貴臣蕃國主等喪奠並如前禮

宋外國喪告哀使

至有司次內東門之北隅太常卿奏請向其國而哭之五舉
音止皇帝未釋素服人使朝見不宣班不舞蹈不謝或增賜
茶藥及傳宣撫問卽出班致詞訖歸位大中祥符二年北朝
皇太后凶訃遣使來告哀廢朝七日擇日備禮舉哀成服其
日皇帝詣幕殿釋常服服素服白羅衫黑銀帶素紗軟脚幘
頭太常卿跪奏請皇帝掛服又奏請五舉音百僚進名奉慰
仍遣使祭奠弔慰天聖八年六月契丹遣使來告哀禮官定
北朝凶訃宜于西上閣門引來使奏書令閣門使一員跪受

承進宰臣樞密使以下待制以上並就都亭驛弔慰眞宗之喪契丹遣使祭奠弔慰使副並素服由西上閣門入陳禮物于庭中書門下樞密院並立于殿下再拜訖升殿俟殿上簾捲使副等並舉哭殿上皆哭再拜訖引升殿西階詣神御座前上香奠茶酒讀祭文畢降階復位又舉哭再拜訖皇太后升坐舍人引弔慰祭奠使副朝見殿上舉哭左右皆哭弔慰使副等升殿進書訖賜銀器衣著有差淳熙十四年金國弔祭使到闕皇帝先詣梓宮行燒香禮及使入門祭訖皆就幄舉哭陳設行事並如舊儀 遼宋使告哀儀皇帝素冠服使奉書右入丹墀內立西上閣門使右階下殿受書匣上殿欄內鞠躬奏封授宰相讀訖皇帝舉哀舍人引使者右階上欄

內俛跪附奏起居訖俛興立皇帝宣問南朝皇帝聖躬萬福
使者跪奏來時皇帝聖躬萬福起退舍人引使者右階下殿
于丹墀西面東鞠躬通事舍人通使者名某祇候見再拜不
出班奏聖躬萬福再拜出班謝面天顏再拜又出班謝遠接
撫問湯藥再拜贊祇候引出就幕次宣賜衣物引從人入通
名拜奏出就

幕賜衣如
使者之儀

宋使進遣留禮物儀舍人引使副西階上殿附奏

起居訖引下殿于丹墀東西面鞠躬通名如告哀使之儀次

引告登位使副奉書匣于東上閣門入面殿立閣使東階下

殿受書匣中書令讀訖舍人引使副東階上殿附奏起居引

下殿南面立告登位禮物入卽于廊下橫門出退西面鞠躬

附奏起居皆如留遣使之儀乾興元年遣使告哀契丹又遣
使以先帝遺物遺契丹事在遼

高麗夏國告終儀先期設使客幕

次至日使者至幕次有司以嗣子表狀先呈樞密院准備奏

呈引告終人使右入至丹墀面殿立拜跪奏訖宣問若嗣子未立不

宣問明遣使弔喪儀前期設宣制位于喪家南向喪主受弔

位北向婦人立哭位于殯北幕下其日使者至喪主去杖免

經衰服止哭出迎于中門外復先入就拜位內外止哭使者

入就位稱有制喪主以下再拜跪乃宣制曰皇帝聞某官薨

遣使臣某弔喪主以下復再拜禮畢內外皆哭使者出喪主

至中門外拜送杖哭而入東宮使則稱有令至遣使購凡蕃

國王薨訃奏至京于西華門內壬地設御幄皇帝素服乘輿

詣幄太常卿跪奏某國世子遣陪臣某官某奏某國王臣某

薨承制官至使者前宣制曰皇帝致問爾某國王某得何疾而逝使者答故其儀略如臨受王公大臣訃奏之儀但不舉哀凡女直都督等官訃至遣官齋香鈔諭祭或給與祭文令歸自祭其來京疾故者遣官諭祭或賜棺賜葬外國使臣病故者所在官司賜棺及祭

右遣使弔勞及祭奠告終唐敕使冊贈則受冊于朝堂載侍爲使贈者以蠟印畫授冊贈必因其啟葬既葬則受于靈寢既除則受于廟主人公服而不哭或單衣而介幘受必有祭末廟受之寢

大宗伯以荒禮哀凶札

荒人物有害也

小行人若國札喪則令賻

補之若國凶荒則令賙委之

賻補之謂賻喪家補助其不足也若今時一室二戶則官與之

也

小宰荒受其幣玉之事

凶荒有幣玉者賓客所賙委之禮

年不順成

則天子素服乘素車食無樂年不順成君衣布摺本關梁不

租山澤列而不賦土功不興大夫不得造車馬

皆爲凶年變也

五

穀不升謂之大侵大侵之禮君食不兼味臺榭不塗

塗塗飾

弛

侯廷道不除百官布而不制鬼神禱而不祀此大侵之禮也

歲凶年穀不登君膳不祭肺馬不食穀弛道不除祭事不

縣大夫不食梁士飲酒不樂 禮國有飢人人主不殯國有

凍人人主不裘報凶之日人主不舉樂歲凶殺不登臺扉榭

徹于侯馬不食穀弛道不除食減膳饗祭有關故禮自行之

義養民之道也 孔子在齊大旱春饑景公問于孔子曰如

之何孔子曰凶年則乘駑馬力役不興弛道不修所以幣玉

君所祈請用幣及玉不用牲也祭事不縣祀以下牲此則賢君自貶以救民

之禮也 歲旱穆公召縣子而問然徙市則奚若曰天子崩

巷市七日諸侯薨巷市五日爲之徙市不亦可乎

徙市者庶人之喪禮

隱公六年冬京師來告饑公爲之請糴于宋衛齊鄭禮也

右荒禮

與荒政考及喪荒之聯事互文相備

凡以神仕者以禴民之札喪

朝士若邦札喪則令邦國都

家縣鄙慮刑貶

君于大夫疾三問之士疾一問之

卿大

夫疾君問之無算士一問之

疾君視之東首加朝服拖紳

夫子疾處南牖之下東首加其朝服拖紳紳大帶不敢不衣朝服見君

唐開元禮皇帝

中宮云太

皇太后皇太后皇

后東宮云皇太子遣使勞問諸王疾苦

外祖大臣等各隨言之

所司先

于受勞問者第大門外之右設使者便次南向于庭中近北

設使者位南向

皇太子儀東向

又于使者位之南

皇太子儀位之東

三丈所

設主人位北向

皇太子儀西向

其府國寮屬並陪列于庭中之左右

六典通考

卷百十七

七

國官在東府寮在西俱以北爲上

中宮及皇太子儀無府國官以下儀

使者至

掌次者延入次使者及受勞問者皆公服贊禮者

中宮則內典引下皆

倣引使者出次立于門內東向史二人

中宮則內給使二人

奉制書案

中宮及皇太子云令案下准此

立于使者之南差退贊禮者引受勞問者立

于門東西向受勞問者再拜贊禮者引受勞問者先入立于

門內之右西面贊禮者引使者入就庭中位立持案者立于

右贊禮者引受勞問者就庭中位立北面持案者以案進使

者前使者取制書持案者退復位使者稱有制

中宮稱太皇太后等有令

受勞問者再拜贊禮者引受勞問者進詣使者前受制書退

復位再拜訖贊禮者引使者以下出又贊禮者引受勞問者

隨出各卽門外位受勞問者再拜訖贊禮者引使者以下退

就次又贊禮者引受勞問者入若受勞問疾未閒不堪受制

則子弟代受如上儀

都督刺史禮同所異者諸導引之官以所勞問州府有司充之其使于京師者

則謂者

凡內侍之屬充使則內侍內堂侍以下准所慰勞者

尊卑臨時准約皇太子如諸王妃主以下疾苦其存問家人

親屬之禮率爾遣近侍勞問則主人受勞問之家侍之亦從

家人親屬之式不拜迎拜送及不爲授受之禮 宋政和禮

遣使問諸王公以下疾前期有司于受勞問者之第設使者

位于受勞問者之左使者至贊者引入次使者及受勞問者

皆公服贊者引使者立于門西東向引受勞問者立于門東

西向史二人以案奉詔書立于使者之南贊者曰拜受勞問

者再拜贊者引受勞問者入就望闕位立史捧詔書案前行

使者從之入就庭中位贊者贊使者搢笏取詔書執笏加詔書于笏上史以案退使者稱有詔受勞問者再拜使者宣詔書訖受勞問者又再拜贊者引使者及受勞問者少前相向各俛伏跪搢笏使者以詔書授受勞問者訖各執笏受勞問者加詔書于笏上各俛伏興復位贊者曰拜受勞問者再拜贊者引使者歸次餘同開元禮遣使問帝姬以下疾以內給事一人爲使其禮並同所受

詔書詣寢閣受之

右札禮及問疾禮

唐制凡四方之水旱蝗天子遣使者持

其東南長官北面僚佐正長老人在其後再拜以授制書其問疾亦如之

大宗伯以弔禮哀禍裁

禍裁謂遭水火

小行人若國有禍裁則令

哀弔之

禍裁水火

大行人致禮以補諸侯之裁

致禮凶禮之弔禮禴禮也補諸

侯裁者若春秋道
淵之會謀歸宋財

有焚其先人之室則三日哭故曰新宮

火亦三日哭

魯成公三年二月甲子新宮災三日哭

三年喪畢

宣公神主新入
廟故謂之新宮

宣公之宮也曷爲謂之新宮不忍言也其言

三日哭何廟災三日哭禮也新宮者禰宮也三日哭哀也其

哀禮也迫近不敢稱諡恭也

迫近言
親禰也

其辭恭且哀以成公爲

無譏矣

哀公三年司鐸火

司鐸
宮名

火踰公宮桓僖災救火者

皆曰顧府

言常人
愛財

昭公十八年五月壬午宋衛陳鄭災火

作子產辭晉公子公孫于東門

晉人新來未入
故辭不使來也

使司寇出新

客

新來
聘者

禁舊客勿出于宮書焚室而寬其征與之材三日哭

國不市使行人告于諸侯宋衛皆如是陳不救火許不弔災

君子是以知陳許之先亡也七月鄭子產爲火故大爲社祓

禳于四方振除火災禮也

振棄也

襄公三十年冬十月會于

澶淵爲宋災故諸侯之大夫會以謀歸宋財旣而無歸于宋

故不書其人

莊公十一年秋宋大水公使弔焉曰天作淫

雨害于棗盛若之何不用

不爲天所怒弔

對曰孤實不敬天降之災

又以爲君憂拜命之辱臧文仲曰宋其興乎列國有凶稱孤

禮也

諸侯無凶則常稱寡人

言懼而名禮其庶乎

孔子爲大司寇國

廡焚子退朝而之火所鄉人有自爲火來者則拜之士一大

夫再子貢曰敢問何也孔子曰其來者亦相弔之道吾爲有

司故拜之

右弔災禮

日月薄蝕天災也山川崩竭地災也水旱疾疫

之禮惟遺水火則有之其餘不聞有弔也至祈禳殺禮則凡災皆當行之

大宗伯以贈禮哀園敗

同贈者會合財貨以更其所喪

大行人致贈以補

諸侯之裁

小行人若國師役則令槁贈之

槁贈國會合財貨以與之春秋

定五年夏歸粟于蔡是也

國亡大縣邑公卿大夫士皆厭冠哭于太廟

三日君不舉

厭冠今喪冠其服未闋

或曰君舉而哭于后土

國君去

其國止之曰奈何去社稷也大夫曰奈何去宗廟也士曰奈

何去墳墓也國君死社稷

死其所受于天子也

大夫死眾士死制

眾謂君師

制謂君教令所使爲之

國有患君死社稷謂之義大夫死宗廟謂之

變

變所當辯辯猶正也

狄人滅衛衛立戴公以廬于曹齊侯使公子

無虧帥車三百乘甲士三千人以戍曹

無虧齊桓公子武孟也

歸公乘

馬祭服五稱牛羊豕雞狗皆三百與門材

衣單複具曰稱門材使先立門戶

歸夫人魚軒

魚軒夫人車以魚皮爲飾

重錦三十兩

重錦錦之熟細者三十兩三十匹也

昭公六年冬叔弓如楚聘且弔敗也 定公五年夏歸粟于

蔡

蔡爲楚所圍故魯歸之粟

以周亟矜無資也

亟急

越圍吳趙孟降于喪

食

趙襄子無恤時有父簡子之喪

楚隆曰三年之喪親暱之極也主又降之

母乃有故乎趙孟曰黃池之役先主與吳王有質曰好惡同

之今越圍吳嗣子不廢舊業而敵之

欲敵越救吳

非晉之所能及

也吾是以爲降 楚人滅江秦伯爲之降服出次不舉過數

出次辟正寢不舉去盛饌隣國之禮有數今秦伯過之

大夫諫公曰同盟滅雖不能救

敢不矜乎吾自懼也

右禴禮

弔禴恤之禮凡遇禍哉圍敗寇亂皆通行之春秋傳禴淵之會諸侯謀歸宋財是禍哉之禴禮也哀

公十五年楚伐吳陳侯使公孫貞子弔焉是圍敗之弔也衛獻公奔齊公使厚成叔弔是寇亂之弔禮也

大宗伯以恤禮哀寇亂

恤憂也隣國相憂

詩載馳載驅歸唁衛侯

狄人伐邢管敬仲言于齊侯曰戎狄豺狼不可厭也諸夏

親暱不可棄也宴安酖毒不可懷也詩云豈不懷歸畏此簡

書簡書同惡相恤之謂也同恤所惡請救邢以從簡書齊人救邢

衛侯出奔齊公使厚成叔弔于衛曰寡君使瘠聞君不撫

社稷而越在他境瘠厚成叔名若之何不弔以同盟之故使瘠敢

私于執事曰有君不弔有臣不敏君不赦宥臣亦不率職增

淫發洩其若之何衛人使太叔儀對曰羣臣不佞得罪于寡

君寡君不以卽刑而悼棄之以爲君憂君不忘先君之好辱

弔羣臣又重恤之敢拜君命之辱重拜大貺謝重恤之賜盜殺

衛侯之兄縶公如死鳥死鳥衛地齊侯使公孫青聘于衛遂從諸

死鳥請將事辭曰亡人不佞失守社稷越在草莽吾子無所

辱君命賓曰寡君命下臣于朝曰阿下執事阿比也命已臣使比衛臣下臣

不敢貳主人曰君若惠顧先人之好照臨敝邑鎮撫其社稷

則有宗祧在乃止衛侯固請見之不獲命以其良馬見爲未

致使故也未致使故不敢以客禮見賓將擲擲行主人辭曰亡人之憂不

可以及吾子草莽之中不足以辱從者敢辭賓曰寡君之下

臣君之牧圉也若不獲扞外役是不有寡君也臣懼不免于

戾請以除死親執鐸終夕與于燎設火燎以備守昭公走之齊齊

侯唁公子野井弔亡國曰唁弔失國曰弔弔喪主曰傷弔所執拂曰繞曰奈何君去魯

國之社稷昭公曰喪人不佞失守魯國之社稷執事以羞言

羞及再拜屈曰胸穎高子執筭食與四脰脯申曰脰國子執壺漿曰

吾寡君聞君在外餽饗未就敢致糗于從者昭公曰君不忘

吾先君延及喪人錫之以大禮再拜稽首以祗受

祗衣下裳當前者之

器謙不敢求索

高子曰有夫不祥君無所辱大禮

禮臣受君賜答拜謂之辱昭公

蓋祭而不嘗景公曰寡人有不腆先君之服未之敢服有不

腆先君之器

器謂上所執簠壺

未之敢用敢以請昭公曰喪人不佞

失守魯國之社稷執事以羞敢辱大禮敢辭景公曰寡人有

不腆先君之服未之敢服有不腆先君之器未之敢用敢固

以請昭公曰以吾宗廟之在魯也有先君之服未之能以服

有先君之器未之能以出敢固辭景公曰寡人有不腆先君

之服未之敢服有不腆先君之器未之敢用請以饗乎從者

昭公曰喪人其何稱

齊侯以諸侯遇禮接昭公昭公自謙失國不敢以故稱自稱執謙問之

景

公曰孰君而無稱昭公于是噉然而哭

噉然哭聲貌

諸大夫皆哭

既哭以人爲菑

菑周塤垣也所以以幣爲席

幣車以鞍爲几

分別內外衛威儀

以遇禮相見孔子曰其禮與其辭足觀矣

齊侯將唁公子

平陰公先至于野并齊侯曰寡人之罪也使有司待于平陰

爲近故也書曰公孫于齊次于陽州齊侯唁公于野并禮也

將求于人則先下之禮之善物也齊侯使高張來唁公稱主

君

比公于大夫

子家子曰齊卑君矣君祇辱焉

吳子滅徐徐子

章禹斷其髮攜其夫人以逆吳子吳子唁而送之齊人獲

臧堅齊侯使夙沙衛唁之且曰無死堅稽首曰拜命之辱抑

君不賜終姑又使刑臣禮于士以杙抉其傷而死

右恤禮唁禮

弔失國曰弔弔亡國曰唁唁亦恤禮之類小行人國札喪則令弔補凶荒則令賑委師役

則令備餼餼則令哀弔賈疏云凶禮有五惟不見恤禮當于師役中兼之

六典通考卷百十八

湖西閭鎮珩輯

禮制考

歷代大喪禮

王后皇太后皇太子
皇后皇妃喪禮附

古者黃帝之世喪期無數中古聖人始立三年之制孔氏傳曰堯崩舜諒闇三年遏密八音商書曰高宗諒闇三年不言諸儒皆云諒闇默也唯尙書大傳以諒闇爲凶廬蓋東海伏生所說而鄭元因之爾晉博士段暢云素服心喪謂之諒陰古者天子居喪衰斬之制旣葬而除服諒闇以終三年周武王崩成王十三而嗣立周公居冢宰攝政明年六月旣葬周公冠成王而朝于祖以

見諸侯春秋傳曰在喪王曰小童諸侯曰子旣葬則否是葬而除服之證也周衰禮廢景王有后嗣子之喪旣葬除喪而樂叔向譏之曰三年之喪雖貴遂服禮也王雖不遂燕樂以早亦非禮也漢氏承秦苛饒之后督率天下爲天子終服三年孝文帝患其下不可久行乃更以意制爲祥禫除喪卽吉曹魏因之遂以葬訖爲限嗣君皆不復終諒闇之制君子以爲譏焉梁武帝始命儒臣輯次古籍撰立凶禮別爲之儀注會遭亂離毀佚畧盡唐初徙凶禮居五禮之末而其時許敬宗李義府方希旨求幸以爲凶事非臣子所宜言遂去其國卹一篇遇國有大故則臨時采掇比附以從事事已輒諱而不

傳及元宗定開元禮于天子凶禮亦闕焉惟杜佑通典
稍採存元陵儀注頗爲近古今備錄之以著缺典至周
官戴記及諸經傳所載大喪之儀詳具官聯考不贅列
云

君天下曰天子崩曰天王崩

史書策辭

復曰天子復矣

不呼名臣

諸侯呼字

告喪曰天王登假

登上也假已也若僊去云耳

措之廟立之主曰帝

天子未除喪曰予小子

謙未敢稱一人

生名之死亦名之

生名之曰小子王死

亦曰小子王也晉有小子侯是僭取于天子號也

高曰崩厚曰崩尊曰崩天子之崩

以尊也 通典小宗伯懸纁冠之式于路門之外太僕掌懸

喪首服之灋于宮門三日祝先服五日官長服七日國中男

女服三月天下服

孔穎達曰祝佐含斂先服故先杖也子亦三日而杖五日官長服者大夫士也七日

國中男女服者謂畿內民及庶人在官者三月天下服者謂諸侯之大夫也近者亦不待三月今據遠者言耳

書

顧命乙丑王崩太保命仲桓南宮毛俾爰齊侯呂伋以二千

戈虎賁百人逆子釗于南門之外延入翼室恤宅宗丁卯命

作冊度越七日癸酉伯相命士須材

召公子命士致材木須待以供喪用

鋪展綴衣

秋下土展屏風畫爲斧文置戶

牖間南嚮敷重篋

席黼純華玉仍几

蔑桃枝竹白黑雜緇緣之華彩色華玉

西

序東嚮敷重底席綴純文貝仍几

東西廂謂之序底藉華綴雜形以有文之貝飾几

東序西嚮敷重豐席畫純彫玉仍几

豐筦彩色爲畫彫刻鏤

西夾南嚮

敷重筓席元紛純漆仍几

西廂夾室之前筓藉竹元纁黑綬

越玉五重陳寶

赤刀大訓宏璧琬琰在西序

寶刀赤刀削大訓虞書典謨

大玉夷玉天球

河圖在東序

三玉爲三重

盾之舞衣大貝鼂鼓在西房

盾國所爲舞者之衣

冕之冠和之弓垂之竹矢在東房大輅在賓階面綴輅在阼

階面大輅玉綴輅金先輅在左塾之前次輅在右塾之前先

象次輅玉皆在路寢象次輅玉皆在路寢二人雀弁執惠立于畢門之內雀弁

門內左右塾前北面門內左右塾前北面二人雀弁執惠立于畢門之內惠三隅

天子路寢天子路寢四人綦弁執戈上刃夾兩階綦文鹿子皮弁一

人冕執劉立于東堂一人冕執鉞立于西堂冕皆大夫一人

冕執殘立于東垂一人冕執瞿立于西垂殘瞿皆一人冕執

銳立于側階銳矛屬也側階王麻冕黼裳由賓階皆吉卿

士邦君麻冕蟻裳入即位太保太史太宗皆麻冕彤裳彤裳

即上宗太保承介圭上宗奉同瑁由阼階大圭尺二寸天

即宗伯太保承介圭上宗奉同瑁由阼階子守之同爵名

后憑玉几道揚末命命汝嗣訓臨君周邦率循大卜變和天

下用答揚文武之光訓王再拜興答曰眇眇予末小子其能

而亂四方以敬忌天威乃受同瑁王三宿三祭三咤酌者實三爵于

王王三進爵三祭三奠爵三上宗曰饗議王享福酒大保受同降盟以異同秉

璋以酢太保以盥手洗異同寶酒秉璋以酢祭半圭曰璋授宗人同拜王答拜太保

受同祭嚙拜太保居其所授宗人同拜白王三答拜敬所白太保降收諸侯出廟門俟

王出在應門之內中庭南面太保率西方諸侯入應門左畢公率

東方諸侯入應門右皆布乘黃朱諸侯皆陳四黃馬朱鬣以爲廷實賓稱奉

圭兼幣曰一二臣衛敢執壤奠來朝而遇國喪遂因見新王皆再拜稽首

王義嗣德答拜太保及芮伯咸進相揖皆再拜稽首羣公既

皆聽命相揖趨出王釋冕反喪服

蘇軾曰成王崩未葬君臣皆冕服禮與曰非禮也謂之變

禮可乎曰不可禮變于不得已嫂非溺終不援也三年之喪既成服釋之而卽吉無時而可者曰成王顧命不可以不傳既傳不可以喪服受也曰何爲其不可也孔子曰將冠子未及期日而有齊衰大功之喪則因喪服而冠冠吉禮也猶可以喪服行之受顧命見諸侯獨不可以喪服乎太保使太史奉冊授王于次諸侯入哭于路寢而見王于次王喪服受教戒諫哭踊答拜聖人復起不易斯言矣春秋傳曰鄭子皮如晉葬晉平公將以幣行子產曰喪安用幣子皮固請以行既葬諸侯之大夫欲因見新君叔向辭之曰大夫之事畢矣而又命孤孤斬焉在衰絰之中其以嘉服見則喪禮未畢其以喪服見是重受弔也大夫將若

之何皆無辭以退今康王既以嘉服見諸侯而又受乘黃玉帛之幣使周公在必不爲此然則孔子何取此書也曰至矣其父子君臣之間教戒深切著明足以爲後世法子何爲不取哉然其失禮則不可不辨

毛伯來求金何以不稱使當喪未君也

王新有三年喪

踰年矣何以

謂之未君卽位矣而未稱王也未稱王何以知其卽位以諸侯之踰年卽位亦知天子之踰年卽位也以天子三年然後稱王亦知諸侯于其封內三年稱子也踰年稱公矣則曷爲于其封內三年稱子緣民臣之心不可一日無君緣終始之義一年不二君不可曠年無君緣孝子之心則三年不忍當也白虎通天子大歛之後稱王者明臣不可一日無君也

故尚書曰王麻冕黼裳此斂之後也何以知從後加王也以尚書言迎子釗不言迎王王者既殯而卽繼體之位何緣民臣之心不可一日無君故先君不復得見則後君繼體矣尚書曰再拜興對乃受同明爲繼體君也緣始終之義一年不可有二君也故尚書曰王釋冕反喪服吉冕受同稱王以接諸侯明已繼體爲君也釋冕藏同反喪明未稱王而統事也不曠年無君故踰年乃卽位改元名元年年以紀事君統事矣而未發號令也何以言踰年卽位謂改元位春秋傳曰以諸侯踰年卽位亦知天子踰年卽位也春秋曰元年春王正月公卽位改元位也王者改元年卽事天地諸侯改元卽事社稷王制曰夫喪三年不祭唯祭天地社稷爲越紼而行事

春秋傳曰天子三年然後稱王者謂稱王統事發號令也尙書曰高宗諒陰三年是也論語君薨百官總已聽于冢宰三年緣孝子之心則三年不當也故三年除喪乃卽位統事卽位踐阼爲主南面朝臣下稱王以發號令也故天子諸侯凡三年卽位終始之義乃備

日知錄周之末世有不待葬而先見廟者左傳昭公二十二年夏四月乙丑王崩于榮錡氏五月庚辰見王六月丁巳葬景王其

日見王者見王子猛于先王之廟也不待期而見王猛不待期而葬景王則以子朝之爭國也

漢制皇帝初登遐朝臣稱曰大行皇帝天命有終往而不返故曰大行天子新崩梓宮在殯太子已卽位不可但稱皇帝未及定諡故曰大行皇帝

魏孫毓曰大行之稱起于漢氏漢書曰大行在前殿又曰大行無遺

詔此卽非告訃之辭諡法者大行受大名小行受小名初崩未諡而嗣帝已立臣下所稱辭者宜有異故謂之大行言其

有大德必受大名若稱謚也

將作大匠營陵地用地七頃方中用地一頃

深十三丈堂壇高三丈墳高十二丈武帝墳高二十丈明帝

高一丈七尺四周二丈內梓棺柏黃腸題湊以次百官藏畢

設四通羨門容大車六馬皆藏之內方外陟車石外方立先

閉劍戶戶設夜龍莫邪劍伏弩設伏火以營陵餘地爲西園

后陵餘地爲婕妤以下次賜親屬功臣

題頭也湊以頭向內所以爲固也便房藏

中便坐也皇覽曰漢家之葬方中百步已穿築爲方城其中開四門四通足容六馬然後錯渾雜物扞漆棺金寶米穀及埋車馬虎豹禽獸發近郡卒徒置將軍尉候以後高祖以宮貴幸者皆守園陵元帝葬乃不用車馬禽獸等物

四月甲辰崩于長樂宮三日小斂室中牖下作栗木主長八

寸前方後圓圍一尺置墉中望外內張綿絮以鄣外以皓木

大如指長三尺四枚纏以皓皮四方置墉中主居其中中央七

日大斂棺以黍飯羊舌祭之壙中五月丙寅葬長陵已下也也棺羣臣上尊號曰高皇帝是日太子卽皇帝位賜給喪事者

二千石錢二萬六百石以上萬五百石二百石以下至佐史

五千視作斥上者將軍四十金斥上壙也二千石以下有差已

藏收主爲木函藏廟太室中西牆壁垆中坐爲五時衣冠履

無頭坐起如生時皇后主長七寸圍九寸在皇帝主右旁高

皇帝主長九寸上林給栗木長安祠廟作神主東園祕器作

梓棺素木長丈三尺崇廣四尺文帝崩遺詔令天下吏民令到出臨三日皆

釋服殿中當臨者皆以旦夕各十五舉音禮畢罷非旦夕臨

時禁無得擅哭臨服大紅十五日小紅十四日繼七日釋服

無禁取婦嫁女祠祀飲酒食肉自當給喪事服臨者皆無跣

經帶無過三寸無布車及兵器無以布衣車及兵器無發民哭臨宮殿

中霸陵山川因其故無有所改因山爲藏不復起墳山下川

號歸夫人以下至少使令中尉亞夫爲車騎將軍屬國悍爲

將軍屯將軍郎中令張武爲復土將軍穿曠出土下棺也已而

士發近縣卒萬六千人發內吏卒萬五千人藏棺穿復土屬

將軍武賜諸侯王以下金錢帛各有數馬端臨曰杜預言秦

上抑下漢祖草創因而不革乃至率天下皆終重服旦夕哀

臨經羅密暑禁寒嫁娶飲酒食肉制不稱情是以孝文之意欲革秦之

苛法耳秦務欲尊君抑臣意其所以令臣民者哭臨之期衰

麻之制必有刻急而不近人情者是以帝矯其說釋其重服

而爲大功小功纖去其久臨而爲三十六日詔語忠厚懇惻

仁人之言豈可訾也古者天子七月而葬諸侯五月而葬雖

通喪必以三年然亦以葬後爲卽吉之漸至秦始皇以七月

葬于沙邱九月葬漢高祖崩凡七日而葬葬之三日而景帝卽位蓋葬

帝卽位文帝崩凡七日而葬葬之三日而景帝卽位蓋葬

意促而以吉禮卽位其不能諒陰三年可知也景帝所遵

者惠帝之法惠帝所遵者春秋以來至亡秦之法豈孝文適

之乎詔爲元始五年平帝崩于未央宮有司議曰禮臣不殤君皇
帝年十有四歲宜以禮歛加元服奏可王莽欲眩惑天下示
忠孝使吏六百石以上皆服喪三年及元后崩莽乃自服三
年

後漢皇帝不豫太醫令丞將醫入就進所宜藥嘗藥監近臣
中常侍小黃門皆先嘗藥過量十二公卿朝臣問起居無間
太尉告請南郊司徒司空告請宗廟告五嶽四瀆羣祀並禱
求福疾病公卿復如禮登遐皇后詔三公典喪事百官皆衣
白單衣白幘不冠閉城門宮門近臣中黃門持兵虎賁羽林
郎中署皆嚴宿衛宮府各警北軍五校繞宮屯兵黃門令尙
書御史謁者晝夜行陳三公啟手足色膚如禮皇后皇太子

皇子哭踊如禮沐浴如禮守宮令兼東園匠將女執事黃綿

緹縹金縷玉柙如故事

漢書儀曰帝崩含以珠纒以緹縹十

金爲纒腰以下以玉爲札長一尺二寸半爲柙下至足亦纒以黃金纒縫諸衣衾斂之凡乘輿衣服已御輒藏之崩皆以斂飯含珠玉如禮

含飯以珠

槃冰如禮尺深三尺漆赤中也

百官哭臨殿下是日夜下竹使符告郡國二千石諸侯王以符

代古之珪璋從簡易也

竹使符到皆伏哭盡哀小斂如禮東園匠考工

令奏東園祕器表裏洞赤虞文畫日月烏龜龍虎連璧偃月牙檜梓宮如故事大斂于兩楹之間五官左右虎賁羽林五將各將所部執虎賁戟屯殿端門陞左右廂中黃門持兵陞殿上夜漏羣臣入晝漏上水大鴻臚設九賓隨立殿下謁者引諸侯王立殿下西面北上宗室諸侯四姓小侯在後西面

北上治禮引三公就位殿下北面特道次中二千石列侯次

二千石六百石博士在後羣臣陪位者皆重行西上位定大

鴻臚言具謁者以聞皇后東向貴人公主宗室婦女以次立

後皇太子皇子在東西向皇子少退在南北面皆伏哭大鴻

臚傳哭羣臣皆哭三公升自阼階安梓宮內珪璋諸物近臣

佐如故事嗣子哭踊如禮

周禮駟珪璋璧琮琬琰之渠眉疏

盧也謂珪璋璧琮琬琰皆爲開渠爲眉

東園匠武士下釘

沙除以斂尸

喪大記曰君蓋用漆三

社三束鄭註社小腰太常上太牢奠太官食監

中黃門尙食次奠執事者如禮太常大鴻臚傳哭如儀三公

奏尙書願命太子卽日卽天子位于柩前請太子卽皇帝位

皇后爲皇太后奏可羣臣皆出吉服入會如儀太尉升自阼

階當樞御座北面稽首讀冊畢以傳國玉璽綬東面跪授皇

太子卽皇帝位中黃門掌兵以玉具隨侯珠斬蛇寶劍授太

尉告令羣臣羣臣皆伏稱萬歲或大赦天下遣使者詔開城

門宮門罷屯衛兵百官羣臣罷入城喪服如禮太常三公如

禮故事百官五日一會臨故吏二千石刺史在京都郡國上

計掾史皆五日一會天下吏民發喪臨三日先葬二日皆旦

晡臨既葬釋服無禁嫁娶祠祀佐吏以下布衣冠幘絰帶無

過三寸臨庭中武吏布幘大冠大司農出見錢穀給六丈布

直以葬喪期依前漢制刺史二千石列侯在國者及關內侯

宗室長吏及因郵奉奏諸侯王遣大夫一人奉奏弔臣請驛

馬露布奏可

先武遺詔朕無益百姓皆如孝文帝制度務從省約刺史二千石長吏皆無幘城郭無遣吏及

因郡葬儀以木爲重高九尺廣容八厯裏以葦席巾門喪帳皆以簞車皆去輔輻疏布惡輪走卒皆布襦幘太僕四輪輅爲賓車大練爲屋幙中黃門虎賁各二十人執紼司空擇土造穿太史卜日謁者二人中謁者僕射中謁者副將作油緹帳以覆坑方石治黃腸題湊便房如禮大駕太僕御方相氏黃金四目蒙熊皮元衣朱裳執戈揚盾立乘四馬先驅旂之制長三仞十有二旂曳地畫日月升龍書旒曰天子之柩謁者二人立乘六馬爲次大駕甘泉鹵簿金根容車蘭臺法駕喪服大行載飾如金根車皇帝從送如禮太常上啟奠夜漏二十刻太尉冠長冠衣齋衣乘高車詣殿止車門外使者到南向立太尉進伏拜受詔太尉詣南郊未盡九刻大鴻臚設

九賓隨立羣臣入位太尉行禮執事皆冠長冠衣齋衣太祝令跪讀諡策太尉再拜稽首治禮告事畢太尉奉諡策還詣殿端門太常上祖奠中黃門尙衣奉衣登容根車東園武士載大行司徒卻行道立車前治禮引太尉入就位大行車西少南東面太史奉哀策諡進太常跪曰進皇帝進太尉讀諡策藏金匱皇帝次科藏于廟太史奉哀策箠詣陵太尉旋復公位再拜立哭太常跪曰哭大鴻臚傳哭十五舉音止哭太常行遣奠皆如禮請哭止哭如儀晝漏上水請發司徒河南尹先引車轉太常跪曰請拜送載車著白絲參繆紉長三十丈大七寸爲輓六行行五十人公卿以下子弟凡三百人皆素幘委貌冠衣素裳校尉三人皆亦幘不冠絳科單衣持

六典通考

卷百十八

十

幢幡候司馬丞爲行首皆銜枝羽林孤兒巴渝櫓歌者六十人爲六列鐸司馬八人執鐸先大鴻臚設九賓隨立陵南羨門道東北面諸侯王公特進道西北面東上中二千石二千石列侯直九賓東北面西上皇帝白衣布幘素裏夾羨道東西向如禮容車幄坐羨道西南向車當坐南向中黃門尙衣奉衣就幄坐車少前太祝進醴獻如禮司徒跪曰大駕請舍太史令自車南北面讀哀策掌故在後已哀哭太常跪曰哭大鴻臚傳哭如儀司徒跪曰請就下位東園武士奉下車司徒跪曰請就下房都導東園武士奉車入房司徒太史令奉謚哀策

晉時有人嵩高山下得竹簡一枚上有兩行科斗書司空張華以問博士束皙皙曰此明帝顯節陵中策

也檢校果然

東園武士執事下明器

明器神

也簠八盛容三升

簠類

黍一稷一麥一粱一稻一麻一菽一小豆一蠶三容三升醴

一醴一屑一

蠶桂之屑

黍飴載以木桁

桁所以度苞屑甕瓶也

覆以疏布甕

二容升醴一清一載以木桁覆以功布瓦鐙一彤矢四軒輶

中亦短衛彤矢四骨短衛

注見既夕篇

彤弓一卮八牢八豆八簋

八彤方酒壺八槃匱一具

槃匱盥器

杖几各一蓋一鐘十六無簠

鋪四無簠磬十六無簠壎一簫四笙一箎一祝一敔一琴六

瑟六竽一筑一坎侯一千戈各一箠一甲一冑一輓車九乘

芻靈三十六匹

束茅爲人馬謂之芻靈

瓦甕二瓦釜二瓦甌二瓦鼎十

二容五升匏勺一容一升瓦案九瓦大杯十六容三升瓦小

杯二十容二升瓦飯槃十瓦酒罇二容五升匏勺二容一升

祭服衣送皆畢東園匠曰可哭在房中者皆哭太常大鴻臚

請哭止如儀司徒曰百官事畢臣請罷從入房者皆再拜出
就位太常導皇帝就贈位司徒跪曰請進贈侍中奉持鴻洞
贈玉珪長尺四寸薦以紫巾廣袤各三寸緹裏赤纁周緣贈
幣元三纁三各長尺二寸廣充幅皇帝進跪臨羨道房戶西
向手下贈投鴻洞中三東園匠奉封入藏房中太常跪曰皇
帝敬再拜請哭大鴻臚傳哭如儀太常跪曰贈事畢皇帝促
就位明帝崩司徒鮑昱典喪事葬日三公入安梓宮還至羨
道半塗上欲下昱前叩頭言禮天子鴻洞以贈所以重
郊廟也陛下奈何冒危容根車游載容衣司徒至便殿並輦
險不以義割哀上即還騎皆從容車玉帳下司徒跪曰請就幄導登尙衣奉衣以次
奉器衣物藏于便殿太祝進醴獻几下用漏十刻禮畢司空
將校復土皇帝皇后以下皆去粗服服大紅還宮返廬立主

如禮桑木主尺二寸不書諡虞禮畢耐于廟如禮先大駕曰
游冠衣于諸宮諸殿羣臣皆吉服從會如儀皇帝近臣喪服
如禮醪大紅服小紅十二升都布練冠醪小紅服織醪織服
畱黃冠常冠近臣及二千石以下皆服畱黃冠百官衣皂每
變服從哭詣陵會如儀祭以特牲不進毛血首司徒光祿勳
備三爵如禮光武崩趙熹爲太尉受遺詔典喪禮時藩王皆在京師自王莽篡亂舊典不存皇太子與東海王等雜上同席熹乃正色扶下諸王以明尊卑顯宗崩熹復典喪事再奉大行禮事脩奉太皇太后皇太后崩司空以特牲告謚于祖廟如儀長樂太僕少府大長秋
典喪事三公奉制度他皆如禮儀永平七年陰太后崩晏駕詔曰柩將發于殿羣臣百官陪位黃門鼓吹三通鳴鐘鼓天子舉哀女侍史官三百人皆著素參以白素引棺挽歌下殿就車黃門宦者引以出宮省太后魂車轡路青羽蓋騶馬龍旗于旒前有方相鳳凰車大將軍妻參乘太僕妻御悉道公卿百官如天子郊廟簿儀

後和熹鄧后葬案以爲儀自此皆降損合葬羨道開通皇帝謁便房太常導至

羨道去杖中常侍受至柩前謁伏哭止如儀辭太常導出中常侍授杖升車歸宮已下反虞立主如禮諸郊廟祭服皆下便房五時朝服各一襲在陵寢其餘及宴服皆封以篋笥藏宮殿後閣室

魏武臨終遺令曰天下尙未安定未得遵古百官臨殿中者

十五舉音葬畢便除服其將兵屯戍者不得離部帝以正月

庚子崩辛丑卽殯是月丁卯葬葬畢告反蜀先主遺詔既崩羣臣發喪滿三日

除服到葬復如禮其郡國太守相縣令長三日便除服黃初二年文帝又作終制曰禮

國君卽位爲棊存不忘亡也壽陵因山爲體無封樹無立寢

殿無造園邑此詔藏之宗廟明帝時毛皇后崩未葬詔宜稱

大行尙書孫毓奏武宣皇后崩未葬時稱太后文德皇后崩侍中蘇林議皇后皆有謚未葬宜稱大行臣以爲古禮無稱大行之文按漢天子稱行在所言不常居崩曰大行者不返之稱也未葬未有謚不言大行則嫌與嗣天子同號至于后崩未葬禮未立后宜無所嫌故漢氏諸后不稱大行謂未葬宜直稱皇后詔曰稱大行者所以別存亡之號故事已然今當如林議稱大行景初中明帝崩于建始殿殯于九龍殿尙書訪曰當以明皇帝謚告四祖祝文于高皇稱元孫之子云何王肅曰禮稱曾孫某謂國家也荀爽鄭元說皆云天子諸侯事曾祖以上皆稱曾孫又訪按漢旣葬容衣還儒者以爲宜如文皇帝故事以存時所服王肅曰禮雖無容衣之制今

須容衣還而後虞祭宜依尸服卒者上服之制生時褻服可隨所存至于制度則不如禮諸侯之上服則今服也天子不爲命服然亦所以命服之上也按漢氏西京故事月游衣冠

則容衣也言冠以正服不以褻衣也

尙書又訪容衣還羣臣故當在帳中常填衛見

王肅曰禮不墓祭而漢氏正月上陵神座在西序東向百辟計吏前告郡之穀價人之疾苦欲先帝魂靈聞知時禁邕以爲禮有煩而不可去事亡如存况今無填衛之禁而魏皇后合于如事存之意可見于門內拜訖入帳臨乃除服

崩繆襲議銘旌曰自殷以前復與銘旌皆書姓男名女字無書國者周之復天王稱天子諸侯某甫秦漢皇帝皇后太后復書銘置之柩舊禮書銘皆不書國號后亦不書氏魏爲天下之號臣子所以稱魏故某侯某者以自別耳太后不宜復稱魏按左氏云天王崩不言曰怡奏祖號以稱廟不宜以

題旌禮未有主作重既葬而埋之故銘旌宜與重俱埋廟外之左尙書奏烈祖之號宜改施新銘旌故旌故杠如怡等議與重俱埋

晉宣帝崩文景並從權制及文帝崩國內行服三日武帝亦遵漢魏之典既葬除服然猶深衣素冠降席撤膳帝將謁崇陽陵詔漢文不使天下盡哀亦帝王至謙之志當見山陵何心無服議以衰絰從行羣臣自依舊制尙書令裴秀奏曰陛下既除而復服義無所依若君服而臣不服亦未之敢安也遂止中軍將軍羊祜謂傅玄曰三年之喪自天子達漢文除之毀禮傷義今上有曾閔之性實行喪禮喪禮實行何爲除服若因此守先王之法不亦善乎玄曰漢文以末世淺薄不

能復行國君之喪故因而除之數百年一旦復古恐難行之

詔曰且使主上遂服猶爲善乎立曰若上不除而臣下除此

爲但有父子無復君臣三綱之道虧矣晉鑒齒曰漢廢君臣之喪不降父子之服

故四海黎庶莫不盡情于其親三綱之道二服恒用戊辰羣

臣奏請易服復膳詔曰每感念幽冥不得終苴經之禮以爲

沉痛況當食稻衣錦乎朕本諸生家傳禮來久何至一旦便

易此情可試省孔子答宰我之言無事紛紜也遂以疏素終

三年泰始四年皇太后崩有司奏前代故事倚廬中施白縑

帳幕素牀以布巾裹革輅輦板輿細轎車皆施縑裏詔不聽

但令以布衣車而已餘居喪制如禮有司又奏大行皇太后

當以四月二十五日安厝故事虞著衰服旣虞而除其內外

宮寮皆就朝脯臨位御除服訖各還所次除衰服詔三年之喪天下之達禮也受終身之愛而無數年之報奈何葬而便卽吉情所不忍有司又奏昔周康王始登翼室猶載冕臨朝降于漢魏旣葬除釋諒闇之禮自遠代而廢矣唯陛下割高宗之制從當時之宜詔三年之喪所以盡情致禮葬已便除所不堪也當敍吾哀懷有司又固請詔曰不能篤孝勿以毀傷爲憂誠知衣服末事耳然今思存草土以吉奪之乃所以重傷至心羣臣又固請帝流涕久之乃許文帝崇陽陵先開一日遣侍臣侍梓宮又遣將軍校尉當直尉中監各一人將殿中將軍以下及先帝時左右常給使詣陵宿衛十年武元楊皇后崩天下將吏發哀三日止旣葬帝及羣臣除喪卽吉

博士張靖議太子宜依漢文權制割情除服博士陳達議太子宜令服重尙書僕射盧欽尙書魏舒杜預奏諒闇之制乃因自古是以高宗無服喪之文唯稱不言而已漢文限三十六日魏氏以旣虞爲斷皇太子與國爲體理宜釋服旣卒哭太子及三夫人以晉尙書問今大行崩含章殿安梓宮宜在下皆隨御除服

何殿博士卞樞楊雍議曰臣子尊其君父必居之以正今太極殿古之路寢梓宮宜在太極殿依周人殯于西階旣殯之後別奠下室之饌朝夕轉易諸所應設祭朔望牲用宜所施行按禮具答樞雍議按禮天子日食少牢月朔太牢喪禮下室之饌如他日宜隨御膳朝夕所常用也朔望則奠用太牢備物又問按景帝故事施倚廬于九龍殿上東廂今御倚廬爲當在太極殿下諸王廬復應在何所樞雍議按尙書顧命成王崩康王居于翼室先儒云翼室于路寢今宜于太極殿

上諸王宜各于其所居爲廬朝夕則就位哭臨

魏氏故事國有大喪羣臣

凶服以帛爲綬囊以布爲之劍衣新禮以傳稱去喪無所不

佩明在喪則無佩也更制齊衰之喪不佩劍綬摯虞以爲周

禮武賁氏士大夫之職也皆以兵守王宮國有喪故則衰葛

執戈盾守門葬則從車而哭又成王崩太保命諸大夫以干

戈內外警設明喪故之際蓋重宿按禮天子七月葬新議曰

衛之防宜定新禮布衣劍如舊

禮無吉駕象生之飾四海遇密八音豈有釋其纓經以服元

黃黼黻哉雖于神明哀素之心已不稱矣輒除鼓吹吉駕鹵

簿孫毓駁尙書顧命成王新崩傳遺命文物權用吉禮又禮

卜家占宅朝服推此無不吉服也又巾車飾遣車及葬執蓋

從方相元衣朱裳此鹵簿所從出也今之吉駕亦象生之義

凶服可除鼓吹吉服可設而不作摯虞曰按漢魏故事將葬

設吉凶鹵簿皆有鼓吹新禮無吉駕導從之文虞按禮葬有

祥車曠左則今容車也春秋鄭大夫公孫蠆卒天子追賜大輅使以行禮又士喪禮有道車乘車以象生存此兼有吉駕明文既有吉駕則宜有導從宜用新禮設吉服導從其鼓吹宜除銘建太常畫日月星辰杜云九仞旒委地遺車易以舉牀舉奠祭之具及器藏物皆覆以白練漢魏故事大喪及大新禮以爲輓歌出于漢武帝役人之勞歌聲哀切以爲送終之禮雖音曲摧愴非經典所制違禮設銜枝之義方在號慕不宜以歌爲名除不輓歌摯虞以輓歌因倡和而爲摧愴之聲銜枝所以至哀此亦以惑眾詩稱君子作歌惟以告哀宜定新禮咸甯二年十一月詔諸王公大臣薨應三朝發哀者如舊

踰月不舉樂其一朝發哀者三日不舉樂

秦始十年春長樂長公主薨太康七

年秋扶風王亮薨武帝並舉哀三日

江左元明崇儉且百度草創山陵奉終

省約備矣成帝咸康七年杜皇后崩詔外官五日一入臨內

官旦一入而已過葬虞祭禮畢止有司奏大行皇后陵所作

凶門柏厯門號顯陽端門詔曰門如何處凶門柏厯大爲煩

費停之

案蔡謨說以二瓦器盛死者之祭繫于木表以葦席置于庭中近南名爲重今之凶門是其象也禮既虞

而作主今未葬未有主故以重當之禮稱爲主道此其義也

范堅又曰凶門非古古有懸重形似凶門後人出之門外以表喪俗遂行之薄帳

卽古弔幕之類也是時又詔曰重壤之下豈宜崇飾無用

陵中唯潔埽而已有司又奏依舊選公卿以下六品子弟六

十人爲挽郎詔又停之

恭皇后山陵司徒西曹屬王濛議立

守見職周年不至者宜勒註黃紙有爵士者削降永嘉中江

統議不奔山陵但三年不敘于義爲輕今更立如牒若方伯

授用雖未有王命猶不與停散同今見在官卽吉之後去職

不及凶事無所貶責萬里外以再周爲限尙書左丞王彪之

議云昔太室之難奔赴無過三年之限恭皇后不宜臨先制

禮爲君之母妻居處飲食祈爾君已除喪而後聞喪不稅而

責其奔此臣所疑也孝武帝太元四年九月皇后王氏崩詔

詔宜依潦所上施行

曰終事唯從儉速又詔遠近不得遣山陵使有司奏選挽郎二十四人詔停太元二十一年孝武帝崩李太后制三年之服武帝以來國有大喪輒廢樂終三年惠帝大安元年太子喪未除及元會亦廢樂穆帝永和中爲中原山陵未脩復頻年元會廢樂是時太后臨朝后父褚裒薨元會廢樂太元六年爲王皇后喪亦廢樂孝武崩太傅錄尚書事會稽王道子議山陵之後通婚嫁不得作樂以一期爲斷太元十五年淑媛陳氏卒皇太子所生也有司參詳母以子貴贈淑媛爲夫人置家令典喪事太子前衛率徐邈議喪服傳稱與尊者爲體則不服其私親又君父所不服子亦不敢服故王公妾子服其所生母練冠麻衣旣葬而除非五服之常則謂之無服

從之

宋武帝永初元年黃門侍郎王准之議鄭元喪制二十七月而終學者云得禮案晉初用王肅議祥禫其月遂以爲制江左以來唯晉朝施用縉紳之士猶多遵鄭義宜使朝野一體詔可永初三年武帝崩蕭太后制三年之服初武帝微時貧約過甚孝皇之祖葬禮多闕帝遺旨太后百歲後不須祔葬及蕭皇后崩遺令漢世帝后陵皆異處今可于塋域之外別爲一壙乃開別壙與興甯合墳文帝元嘉十七年七月王子元皇后崩兼司徒給事中劉溫持節監喪神虎門設凶門柏厯至西上閣皇太子于東宮崇正殿及永福省並設廬諸皇子未有府第者于西廡設廬皇太子心喪三年有司奏喪禮

有禪以祥變有漸不宜便除卽吉故其聞服以綬縞也心喪
已經十三月大祥十五月禫變除禮畢餘一期不應復有禫
宜下以爲永制詔可崔元凱喪儀曰銘旌今之旒也天子大
草爲馬以泥爲車疏布韞四面有障置墳四
角以載遺奠牛肉斬取骨脰車各載一枚

齊建元四年高帝山陵昭皇后應遷祔祠部疑有祖祭及遣
啟詣奠九飯之饌不左僕射王儉議奠如大斂賀循云從墓
之墓皆設奠如將葬廟朝之禮范甯云將窆而奠雖不稱爲
祖而不得無祭從之有司又奏昭皇后神主在廟今還祔葬
虞祭王儉議范甯云葬必有魂車若不爲其歸神將安舍中
世改葬卽墓所施靈設祭何得不祭而毀耶賀循云旣窆設
奠于墓以終其事雖非正虞亦粗相似晉氏脩復五陵宋朝

敬后改葬皆有虞今設虞非疑從之建武二年朝會時世祖
過密未終朝議疑作樂不祠部郎何佟之議放勛祖落還密
三祀近代晉康帝繼成帝于時亦不作樂懷帝永嘉元年惠
帝喪制未終于時何充議曰古帝王相承雖世及有異而輕
重同禮從之有司以世祖文皇帝今二年正月二十四日再
忌日二十九日大祥三月二十九日祥禫至尊及羣臣泄哀
之儀應定准博士陶韶以爲皇帝宜服祭服出大極泄哀百
寮亦祭服陪位太常丞李塢議曰晉景獻皇后崩羣臣備小
君之服追尊之后無違后典追尊之帝固宜同帝禮矣今事
非嗣武理無深衣之變但應弔服出正殿舉哀百寮致慟亦
如常儀何佟之議曰主上雖仰嗣高皇嘗經北面世祖在三

之恩理不容替竊謂世祖祥忌至尊宜弔服升殿羣臣同致哀感事畢百官詣宣德宮拜表仍致哀陵園詔可

陳永定三年七月武帝崩尙書左丞庾持云晉宋以來皇帝大行儀注未祖一日告南郊太廟奏策奉謚梓宮將登輶輦侍中版奏已稱其謚皇帝遣奠出于階下方以此時乃讀哀策而前代策文猶稱大行皇帝請明加詳正國子博士知禮儀沈文阿等謂應劭風俗通前帝謚未定臣子稱大行以別嗣主近檢梁儀自梓宮將登輶輦版奏皆稱其謚皇帝登輶輦伏尋今祖祭已奉策謚哀策旣在庭遣祭不應猶稱大行且哀策篆書藏于元宮請依梁儀以傳無窮詔可武帝崩六日成服時朝臣共議大行皇帝靈座俠御人衣服吉凶之制

博士沈文珂議宜服吉劉師知議云既稱成服本備喪禮案
梁昭明太子薨成服俠侍之官悉著衰斬唯著鎧不異此卽
可擬左丞徐陵云鹵簿吉部伍中公卿以下導引者爰及武
賁鼓吹執蓋奉車並是吉服豈容俠御獨爲衰經若言公卿
胥吏並服衰經此與梓宮部伍有何差別若言公物並吉司
事者凶豈杖經而奉華蓋衰衣而上升玉輅耶謝岐議曰山
陵鹵簿備有吉凶從靈輿者儀服無變從梓宮者皆服苴衰
此是山陵之儀非闕成服今謂梓宮靈展共在西階稱爲成
服亦無鹵簿豈容凡百庶士悉服重而侍中武衛近官反鳴
玉紆青與吉不異詔從師知議

後魏自道武以來及諸帝悉依漢魏之制既葬公除孝文帝

太和十四年太皇太后馮氏殂帝勺飲不入口者五日哀毀過禮中部曹華陰楊椿諫曰陛下荷祖宗之業臨萬國之重豈可同匹夫之節以取僵仆且禮毀不減性縱陛下欲自賢于萬代其若宗廟何帝感其言爲之一進粥于是諸王公等表請時定兆域及依漢魏故事並太皇太后終制旣葬公除詔曰自遭禍罰恍惚如昨奉侍梓宮猶希髣髴山陵遷厝所未忍聞冬十月王公復上表固請詔山陵可依典冊衰服之宜情所未忍帝欲親至陵所詔諸常從之具悉可停之其武衛之官防侍如法癸酉葬文明太皇太后于永固陵甲戌帝謁陵王公固請公除不從庚辰帝出至思賢門右與羣臣相慰勞太尉丕等進言曰遠祖有大諱之日惟侍送梓宮者凶

服左右皆盡從吉四祖三宗因而不改陛下以至孝之性哀毀過禮伏聞所御三食不滿半溢晝夜不釋經帶願少抑至慕之情奉行先朝舊典帝曰哀毀常事豈足闕言朝夕食粥粗可支任羣臣又言古者葬而即吉不必終禮漢魏晉之所同也帝曰既葬即吉蓋季俗多亂權宜救世耳太尉丕曰魏家故事大諱之後三月必迎神于西廡惡于北具行吉禮自皇始以來未之或改帝曰能以道事不迎自至苟失仁義雖迎不至此平日所不當行况居喪乎遂號慟羣官亦哭而辭

出馬端臨曰古者天子之喪七月而葬喪期至千三年則必備物盡禮以致其孝勿之有悔焉耳秦漢以來習爲短喪之制例以既葬釋服于是唯恐葬期之不促自兩漢至六朝人主之喪大行在殯少有及兩月者是天子而不克行大夫士之禮也執孝文力行古道獨爲三年之喪其臣固請而始葬既葬而終不釋服賢哉

延昌四年宣武

帝崩于式乾殿侍中中書監太子少傅崔光等奏迎太子于東宮入自萬歲門至明陽殿哭踊久之欲待明乃行卽位之禮太尉崔光等曰太位不可暫曠何待至明光等請太子止哭立于東序于忠元昭扶太子西面哭十數聲止光奉冊進璽授太子跪受服皇帝袞冕之服御太極殿前光等降自西階夜直羣臣立于庭中北面稽首稱萬歲孝明帝神龜元年九月尼高皇太后崩于搖光寺詔特爲齋縗三月以伸追仰之心有司奏按舊事皇太后崩儀自復魂斂葬百官哭臨其禮甚多今尼太后旣存委俗損尊憑居道法凶事簡速不依配極之典寺庭局狹非容百官之位但因葬日衢路奉接成義君臣始終情禮理無廢絕輒立儀如別內外羣臣權改常

服單衣衾巾奉迎之墓列位哭拜事訖而除止在京師更不宣下詔可

後周武帝母叱奴太后崩帝居倚廬朝夕供一溢米羣臣表請累旬乃止及葬帝袒跣之陵所詔曰三年之喪達于天子但軍國務重須自聽朝衰麻之禮率遵前典百寮宜依遺令既葬而除公卿固請依權制周主不許卒由三年之制五服之內亦令依禮胡寅曰自漢文短喪之後能斷然行三年者惟晉武帝魏孝文周高祖可謂難得矣然春秋之義貴備賢者晉武既爲裴杜所惑行禮不備魏孝文之禮若備矣而服非所服周高祖衰麻苦塊卒三年之制最爲賢行然推明通喪止于五服之內不及羣臣非所以教天下著于君臣之義也而又在喪頻出遊幸無門庭之冠興師伐隣此皆禮所不得爲者由高祖不學左右無稽古之臣以輔成之也

論曰人有生而必斃故先王順歸往之義而定爲飾終

之典自天子達于庶人哭泣有節衰麻有數其文籍藏
在天府其儀式頒于四方舉天下臣民莫敢不遵而守
焉周衰諸侯僭天子大夫僭諸侯惡禮文之害已而其
去其籍故雖孟子之賢未嘗學諸侯喪禮而三年之喪
滕之百官族人皆不悅以爲魯宗國吾先子未之能行
然則天子諸侯之喪禮其時廢壞久矣遭秦焚書漢儒
收拾于殘燼之中所存者惟士禮十七篇二戴之記錯
雜其間莫能取正世主回惑無所折衷是以漢文矯除
亡秦之規獨創師心之制變煩苛爲簡易示臣民以安
便魏晉以下樂新令之易從而憚古制之難復也遂相
與因循而不革惟晉之武帝後魏之孝文後周之高祖

孺慕天至慨焉希古而其時在廷諸臣杜預傅元高閔
李彪之徒務爲諂佞以欺其君而莫知將順其美此所
以古禮幾興而復廢也古者諒陰之制三年不言旣葬
而後改服終喪而後卽吉書稱格于文祖受終于廟舜
禹之事所以爲萬世法也殷人旣練而祔祔而後卽位
周人卒哭而祔亦祔而後卽位其禮漸變其期浸迫然
而葬以七月改元以踰年猶未敢遽忘其哀戚之志也
秦漢以來葬不及期有崩後旬日而卽位者然猶曰旣
葬也東漢以來太子卽位于大行之柩前然猶曰旣殯
也至北魏宣武帝之崩太子不待明而卽大位天崩地
裂之時而晏然襲衾冕于廟堂之上此豈有人心者所

忍爲乎秦漢之蔑禮尙不及是矣雖然元氏夷狄也其君自孝文而外未有可與言禮者獨惜當時之北面于其朝者一切皆不學無術之人而甘心導其君爲變古戾常之事國之棄禮若此雖欲不亂且亡焉得乎